

## Allannguutissatut siunnersuut

## uunga

**UPA 2015/148: Siunnersuut uunga: Inatsisartut Suleriaasiata allanngortinneqarnera.**

Aappassaaneerinninnissamut Inatsisinut Ataatsimiititaliamit isumaqatigiittumit saqqummiunneqartoq.

## § 1-imut

1. §1, nr. 4-p kingorna ilanngunneqassaaq:

”01. § 11, imm. 1, ima oqaasertaqassaaq:

” Suleriaatsimi matumani allatut aalajangersaasoqarsimatinnagu ataatsimiititaliap siulittaasussani siulittaasullu tullissaa nammineerluni qinertassavai, taamaattorli ataatsimiititaliami siulittaasuutitaqarneq siulittaasullu tulluutitaqarneq ilaasortaqaassuseq tunngavigalugu pisassalluni, taamaalillunilu partiit qinersisarnerilluunniit pillugit suleqatigiit amerlanerpaanik ilaasortaataqartut sinniisaat siulittaasussamik toqqaasassallutik, partiit qinersisarnerilluunniit pillugit suleqatigiit anginernut tulliusut sinniisaasa siulittaasup tullissaa toqqartassallugu.”

2. § 1, nr. 6 peerneqarpoq.

3. § 1, nr. 11-mi § 40, imm. 2-p oqaasertalerneqarnerani oqaaseqatigiit aappaattut ilanngunneqassaaq:

”§ 36 naapertorlugu apeqquteqaat nalunaarutigineqarnermi kingorna siusinnerpaamik ullut suliffiusut aqqaneq-marluk qaangiutereerneranni oqaluuserisassanut ilanngunneqarsinnaavoq, taamaattorli § 41 takujuk.”

4. Inatsisartut Suleriaasiannut *ilanngussami* 1-imi tatiginninnermik tunngavilimmik oqaluuserisassanngortitsinerit suliarineqarnerini piffissat oqaaseqarfiusinnaasut ima oqaasertalerneqassapput:

”Tatiginninnginnermik tunngavilimmik oqaluuserisassanngortitsineq:

Tatiginninnginnermik tunngavilersukkamik saqqummiussineq . . . . . 5 min.

Naalakkersuisut oqaaseqarnerat . . . . . 5 min.

(Tamatum kingorna ataatsimiinneq minuttini 30-ni ataatsimiinnermilluunniit aqutsisup erseqqinnerusumik aalajangiinera malillugu unitsikkallarneqarsinnaavoq)

Allannguutissatut siunnersuutaajunnartumik saqqummiussineq (Tatiginninnginnermik pinngitsoortitsiniarluni oqaluuserisassatut siunnersuut) . . . . .5 min.

Oqaaseqartartut (partii ataaseq apeqqutit marluk) . . . . .5 min.

Naalakkersuisut inaarutaasumik oqaaseqarnerat (partii ataaseq apeqqutit marluk) . . . . 5 min.)

(Apeqqutit akissutillu tamarmik 2 minutter)”

**5.** Inatsisartut Suleriaasiannut *ilanngussami 1*-imi tatiginninnginnermik tunngavilimmik oqaluuserisassanngortitsinerni piffissat oqaaseqarfiusinnaasut kingornanut ilanngunneqassaaq:

”**Akunnerit apeqquteqarfiusinnaasut:**

Apeqquteqarneq. . . . . 2 min.

Naalackersuisut akissuteqarnerat . . . . . 2 min.

Malitsitut apeqqutit . . . . . 1 min.

Malitsitut apeqqutinut akissuteqarneq . . . . . 1 min.

(Akunneq ataaseq qaangiukkaangat akunneq apeqquteqarfiusinnaasoq naammassineqartarpoq kingulliulluni apeqqutigineqartup akineqarneratigut)

Immikkut ittumik akunnerit apeqquteqarfiusinnaasut, assersuutigalugu akunnerit apeqquteqarfiusinnaasut Naalackersuisut Siulittaasuata partiit allat oqaaseqartartuinit apersorneqartarneri, ingerlanneqartarneri eqqarsaatigalugit piffissat oqaaseqarfiusinnaasut pillugit malittarisassanik allanik Siulittaasoqarfik aalajangersaasinnaavoq.”

**6. § 1, nr. 15,** ima oqaasertaqassaaq:

“ **15. Kapitali 12**-imi § 55-ip kingorna ilanngunneqassaaq:

”*Qaaqqusatut oqaaseqartitsinerit*

**§ 55 a.** Siulittaasoqarfiup isumaqatigiilluni nunani allani naalackersuisut, inatsisartut nunallu tamalaat akornanni suliniaqatigiiffiit il.il. sinniisaat nuimasut Nuummut tikeraarnerinut atatillugu Inatsisartut oqaluttarfianniit Inatsisartunut Naalackersuisunullu oqaaseqaaqqullugit qaaqqusinnaavaat.

*Nammineq atuuffiit inuussutissarsiutillu pillugit paasisutissat”*”

## **Allannguutissat siunnersuummut nassuiaatit**

### **Nalinginnaasumik nassuiaatit**

Inatsisissatut siunnersuutaaqqaartumut sanilliullugu allannguutissatut siunnersuutit allannguutinik arfinilinnik malitseqassaaq:

1. Ataatsimiititaliani siulittaasussamik siulittaasullu tullissaanik qinersisarnerit pillugit aalajangersakkamik nutaamik ilanngussisoqarpoq. Ataatsimiititaliami partiit qinersisarnerilluunniit pillugit suleqatigiit anginerit sinniisaat ataatsimiititaliap siulittaasussaanik qinersisnaatitaassapput. Ataatsimiititaliami partiit qinersisarnerilluunniit pillugit suleqatigiit anginerit tulliisa sinniisaat ataatsimiititaliap siulittaasuata tullianik qinersisnaatitaassapput.

Siunnersuutikkut illuatungiliuttut nalinginnaasumik Inatsisartut ataatsimiititaliaanni siulittaasup tulleqartitsisalernissaat naatsorsuutigineqarpoq.

2. Siunnersuutit Inatsisartunit ataatsimiititalianut innersuunneqartut pillugu ataatsimiititaliat isumaliutissiissuteqartussaataitanerat attatiinnarneqassaaq.
3. Apeqquteqaat aallaavigalugu oqallinnissamik siunnersuutit nalunaarutigineqarnermik kingorna siusinnerpaamik ullut suliffiusut aqqaneq-marluk qaangiukkaangata oqaluuserisassanut ilanngunneqarsinnaanerannik aalajangersakkamik ilanngussisoqarpoq. Siulittaasoqarfiulli § 41 malillugu piffissaliussaqaq sanioqqutitissinaavaa.
4. Tatiginninnginnermik tunngavilimmik oqaluuserisassatut siunnersuutip suliarineqarnerani Naalakkersuisut periarfissinneqarput taamatut saqqummiussinerup kinguninngua siunnersuut pillugu oqaaseqarnissaminnut. Aatsaat tamanna pereerpat ataatsimiinneq unitsikkallarneqartassaaq.
5. Ilangussami 1-imi (piffissanut oqaaseqarfiusinnaasunut tunngasuni) akunnerit apeqquteqarfiusinnaasut ingerlanneqartarneranut piffissanik oqaaseqarfiusinnaasunik ilanngussisoqarpoq.
6. Siulittaasoqarfiup isumaqatigiilluni nunani allani naalakkersuisut, inatsisartut nunallu tamalaat akornanni suliniaqatigiiffiit il.il. sinniisaat nuimasut Nuummut tikeraarnerinut atatillugu Inatsisartut oqaluttarfianniit Inatsisartunut

Naalakkersuisunullu oqaaseqaqqullugit qaaqqusinnaalersillugit aalajangersakkamik ilanngussisoqarpoq.

Allanguutissatut siunnersuummut tunuliaqutaasut sukumiinerusumik allaaserineqarneri eqqarsaatigalugit Inatsisinut Ataatsimiititaliap isumaliutissiissutaa innersuussutigineqarpoq.

### **Aalajangersakkanut ataasiakkaanut nassuiaatit**

Nr. 1-imut.

Nalinginnaasumik nassuiaatini imm. 1 innersuussutigineqarpoq.

Nr. 2-mut.

Nalinginnaasumik nassuiaatini imm. 1 innersuussutigineqarpoq.

Nr. 3-mut.

Nalinginnaasumik nassuiaatini imm. 1 innersuussutigineqarpoq.

Nr. 4-mut.

Nalinginnaasumik nassuiaatini imm. 1 innersuussutigineqarpoq.

Nr. 5-imut.

Nalinginnaasumik nassuiaatini imm. 1 innersuussutigineqarpoq.

Nr. 6-imut.

Nalinginnaasumik nassuiaatini imm. 1 innersuussutigineqarpoq.